
"Фарғона ҳақиқати": "Меҳнат фахрийси" кўкрак нишонлари

01.05.2019 Муаллиф Соҳиба АБДУРАХМОНОВА Вилоят ҳокимлигида бир гуруҳ нуронийларни Президентимиз томонидан таъсис этилган "Меҳнат фахрийси" кўкрак нишони билан тақдирлаш маросими бўлиб ўтди.

"Меҳнат фахрийси" кўкрак нишони билан мамлакатимизнинг иқтисодиёт, ишлаб чиқариш, илм-фан, маданият, таълим, соғлиқни сақлаш ва бошқа қатор соҳаларида узоқ йиллар мобайнида ҳалол, самарали меҳнат қилган нафақа ёшидаги ҳамюртларимиз тақдирланадилар.

Шунингдек, бу кўкрак нишонига умрини оилалар мустаҳкамлигини сақлаш, фарзандларимизни миллий ва умуминсоний қадриятларга ҳурмат, она Ватанга муҳаббат, истиқлол ғояларига садоқат руҳида тарбиялаш ишларига бағишлаган, жамиятимизда обрў-эътибор қозонган оналар муносиб кўриладилар.

Тақдирлаш маросимида ҳам ана шундай фидойи, жонкуяр фарғоналиклар меҳнатлари алоҳида эътироф этилди.

Вилоят ҳокими Шухрат Ғаниев юсак нишонга эга бўлган 70 нафардан ортиқ фахрий отахону онахонларни вилоят фаоллари номидан самимий табриклаб, уларга мустаҳкам соғлиқ ва ғайрат тилади.

Ёзёвонлик Мила Цой 82 ёшда. У ҳаётини тadbиркорликка бағишлаганлардан. Онахон ҳамон Ёзёвон туманидаги нон маҳсулотлари тайёрлайдиган катта корхонани бошқариб келмоқда.

Тadbирда у каби ташаббускор, фаол кекса авлод вакиллари I, II ва III даражали "Меҳнат фахрийси" кўкрак нишонлари ҳамда пул мукофотлари тантанали равишда топширилди.

Тақдирлаш маросимида нуронийлар вакиллари сўз олиб, кўрсатилаётган эътибор учун Президентимизга миннатдорчилигини билдирдилар.

-Таълим соҳасида кўп йиллар меҳнат қилдим, -дейди 75 ёшли сўхлик Зумрадпоччо Фахриддинова. - "Навбаҳор" номли гимназия сифатидаги мактабгача таълим муассасасида раҳбар бўлдим. Нафақада қарилик гаштини сураётган шу кезларда Президентимиз томонидан таъсис этилган кўрак нишони билан тақдирланишим эса мени хурсанд қилиб юборди. Бундан кейин ҳам маҳалла, Янгиариқ қишлоғи ўғил-қизларини Ватанимизга муносиб этиб тарбиялашга ўз ҳиссамни қўшавераман.

I даражали "Меҳнат фахрийси" кўкрак нишони кўксимни беаб турганлигидан бир фахрий сифатида қувониб турибман, -дейди профессор Аҳмадали Ғофуров. - Талабаларга мана шу жўшқин ҳаёт, бугунги дорилолмон кунлар қадрига етиш, шу юртга муносиб бўлиш ҳақида айтишдан чарчамайман. Бу кўкрак нишони кейинги фаолиятимга янада фаоллик бағишлайди.

Кексайганда умр бўйи қилган меҳнатлари роҳатини кўриш, рағбат ва эъзоз топиш нуронийлар кўнглини кўтариб, руҳини янада тетиклаштиради. Шундай бахтга муяссар бўладиган ибрат намуналари эса Фарғонада ҳали талайгина.

2019-05-02 14:52:33